

## **“Klasterning nomi” paxta-to‘qimachilik klasteri**

### **faoliyatini yo‘lga qo‘yish to‘g‘risida**

#### **BITIM**

Shartnoma tuzilgan joy

Shartnoma raqami-son

Shartnoma tuzilgan sana

Joylarda paxta-to‘qimachilik klasterlari faoliyatini yo‘lga qo‘yish maqsadida:

**bir tarafd**an Vazirlikning nomi vazirligi (bundan buyon – “Vazirlik”) nomidan Vazirlik nomidan ish olib boruvchi shaxs lavozimi Vazirlik nomidan ish olib boruvchi shaxs F.I.O.si;

**ikkinchi tarafd**an “Klasterlar uyushmasining nomi va tashkiliy huquqiy shakli” uyushmasi (bundan buyon – “Uyushma”) nomidan Klasterlar uyushmasi nomidan ish olib boruvchi vakolatli shaxsning lavozimi Klasterlar uyushmasi nomidan ish olib boruvchi vakolatli shaxsning F.I.O.si;

**uchinchi tarafd**an Hokimlikning nomi hokimligi (bundan buyon–“Hokimlik”) nomidan Hokimlik nomidan ish olib boruvchi vakolatli shaxsning lavozimi Hokimlik nomidan ish olib boruvchi vakolatli shaxsning F.I.O.si;

**to‘rtinchi tarafd**an Klasterning nomi paxta to‘qimachilik klasteri (bundan buyon – “Klaster”) nomidan Klaster nomidan ish olib boruvchi shaxsning lavozimi Klaster nomidan ish olib boruvchi shaxsning F.I.O.si birgalikda “tafllar” ushbu bitimni quyidagilar haqida tuzdilar.

#### **I. Bitimning predmeti**

1.1. Ushbu bitim Tashkil etilayotgan paxta-to‘qimachilik klasterining manzilida paxta-to‘qimachilik klasteri faoliyatini samarali tashkil etish, paxta-to‘qimachilik klasteri va tafllarning munosabatlarini tartibga soladi.

#### **II. Klaster shakli**

2.1. Qishloq xo‘jaligi yer uchastkalarini ijaraga olgan holda paxta xom ashyosini yetishtirish hamda paxta xom ashyosi yetishtiruvchilardan shartnoma asosida paxta xom ashyosini sotib olish.

#### **III. Tafllarning huquq va majburiyatlari**

##### **3.1. “Vazirlik”ning huquqlari:**

3.1.1. “Klaster”dan biznes-reja va investitsiya loyihalarida nazarda tutilgan majburiyatlarning bajarilishi bo‘yicha ma‘lumotlarni olish;

3.1.2. “Uyushma” hamda “Hokimlik” bilan birgalikda “Klaster” tomonidan investitsiya loyihalarini amalga oshirish majburiyatlari, shuningdek shartnomaviy majburiyatlarga rioya etilishi va paxta-to‘qimachilik klasteri faoliyati samaradorligi bilan bog‘liq boshqa masalalar yuzasidan bir yilda kamida bir marta monitoring o‘tkazish;

3.1.3. “Klaster”ning biznes-reja, ushbu bitim ijrosi hamda boshqa ko‘rsatkichlari bo‘yicha ma‘lumotlar bazasini yuritish;

3.1.4. bitimni bekor qilish to‘g‘risida “Uyushma” hamda “Hokimlik” tomonidan kelib tushgan murojaatlarni ko‘rib chiqish hamda bitimni bekor qilish to‘g‘risida asoslantirilgan takliflarni Paxta-to‘qimachilik klasterlari faoliyatini muvofiqlashtirish respublika komissiyasiga kiritish.

Vazirlikning shartnoma namunasida ko‘rsatilganidan boshqa huquqlari

##### **3.2. “Vazirlik”ning majburiyatlari:**

3.2.1. bitimda nazarda tutilgan majburiyatlarni o‘z vaqtida bajarish;

3.2.2. o‘z vakolatiga kiruvchi masalalar bo‘yicha “Klaster”ga maslahat va metodik yordam ko‘rsatish;

3.2.3. agar “Klaster”ning xo‘jalik faoliyati O‘zbekiston Respublikasining qonunchiligiga va ushbu Bitim shartlariga zid kelmasa, uning faoliyatiga aralashmaslik;

3.2.4. paxta-to‘qimachilik klasteriga imtiyozli va tijorat kreditlari, shuningdek, subsidiya va kompensatsiyalar berilishiga ko‘maklashish;

3.2.5. paxta-to'qimachilik klasterining paxta xom ashyosi yetishtiruvchilar bilan bog'liq munosabatlarini barqarorlashtirishga ko'maklashish;

3.2.6. paxta-to'qimachilik klasteri xodimlarini tayyorlash, qayta tayyorlash va malakasini oshirishga ko'maklashish.

Vazirlikning shartnoma namunasida ko'rsatilganidan boshqa majburiyatlari

### **3.3. “Uyushma”ning huquqlari:**

3.3.1. “Klaster”dan biznes-reja va investitsiya loyihalarida nazarda tutilgan majburiyatlarning bajarilishi bo'yicha ma'lumotlarni olish;

3.3.2. taraflar bilan birgalikda “Klaster” tomonidan investitsiya loyihalarini amalga oshirish majburiyatlari, shuningdek shartnomaviy majburiyatlarga rioya etilishi va paxta-to'qimachilik klasteri faoliyati samaradorligi bilan bog'liq boshqa masalalar yuzasidan bir yilda kamida bir marta monitoring o'tkazish;

3.3.3. “Klaster”ning biznes-reja, ushbu bitim ijrosi hamda boshqa ko'rsatkichlari bo'yicha ma'lumotlar bazasini yuritish;

3.3.4. tahliliy ma'lumotlar asosida sohadagi muammolarni bartaraf etish yuzasidan “Vazirlik” bilan kelishilgan holda Vazirlar Mahkamasiga takliflar kiritish;

3.3.5. bitimni bekor qilish to'g'risidagi asoslantirilgan takliflarni “Hokimlik” bilan kelishilgan holda ko'rib chiqish uchun “Vazirlik”ka kiritish.

Uyushmaning shartnoma namunasida ko'rsatilganidan boshqa huquqlari

### **3.4. “Uyushma”ning majburiyatlari:**

3.4.1. bitimda nazarda tutilgan majburiyatlarni o'z vaqtida bajarish;

3.4.2. paxta-to'qimachilik klasterining paxta xom ashyosi yetishtiruvchilar bilan bog'liq munosabatlarini barqarorlashtirishga ko'maklashish;

3.4.3. paxta-to'qimachilik klasteri xodimlarini tayyorlash, qayta tayyorlash va malakasini oshirishga ko'maklashish;

3.4.4. ichki va tashqi bozorlarda talab va takliflarni o'rganish hamda marketing tadqiqotlaridan kelib chiqib, tarmoqni rivojlantirishning o'rta va uzoq muddatli dasturlarni ishlab chiqish;

3.4.5. davlat va xo'jalik boshqaruvi organlari, mahalliy davlat hokimiyati organlari, tayyorlov, ta'minot va xizmat ko'rsatish tashkilotlari bilan munosabatlarda, nazorat qiluvchi organlar tomonidan tekshirishlar o'tkazish jarayonida hamda sudlarda “Klaster” ning huquqlari va qonuniy manfaatlarini himoya qilish;

3.4.6. “Klaster”lar o'rtasida bir yilda kamida bir marotaba ilmiy-tadqiqot, injiniring, logistika, konsalting, sertifikatlashtirish organlari, yirik qayta ishlash korxonalari, yengil sanoat, yig'ish zavodlari, texnopark va yetkazib beruvchilar vakillari hamda boshqa potensial hamkorlarni jalab etgan holda uchrashuvlar, muzokaralar, konferensiyalarni tashkil etish;

3.4.7. “Klaster” faoliyatiga xalqaro standartlar va sertifikatlarni olishda ko'maklashish.

3.4.8. “Klaster” xodimlarini tayyorlash, qayta tayyorlash va malakasini oshirishga ko'maklashish;

3.4.9. “Klaster” rahbari va xodimlarini stajirovkadan o'tkazish, ularni sohaga tayyorlash, qayta tayyorlash va malakasini oshirish yuzasidan chora-tadbirlarni belgilash.

Uyushmaning shartnoma namunasida ko'rsatilganidan boshqa majburiyatlari

### **3.5. “Hokimlik”ning huquqlari:**

3.5.1. “Klaster”dan biznes-reja va investitsiya loyihalarida nazarda tutilgan majburiyatlarning bajarilishi bo'yicha ma'lumotlarni olish;

3.5.2. taraflar bilan birgalikda “Klaster” tomonidan investitsiya loyihalarini amalga oshirish majburiyatlari, shuningdek shartnomaviy majburiyatlarga rioya etilishi va paxta-to'qimachilik klasteri faoliyati samaradorligi bilan bog'liq boshqa masalalar yuzasidan bir yilda kamida bir marta monitoring o'tkazish;

3.5.3. tahliliy ma'lumotlar asosida sohadagi muammolarni bartaraf etish yuzasidan “Vazirlik” hamda “Uyushma” bilan kelishilgan holda Vazirlar Mahkamasiga takliflar kiritish;

3.5.4. bitimni bekor qilish to'g'risidagi asoslantirilgan takliflarni “Uyushma” bilan kelishilgan holda ko'rib chiqish uchun “Vazirlik”ka kiritish.

### 3.6. "Hokimlik"ning majburiyatlari:

3.6.1. bitimda nazarda tutilgan majburiyatlarni o'z vaqtida bajarish;

3.6.2. o'z vakolatiga kiruvchi masalalar bo'yicha "Klaster"ga maslahat va metodik yordam ko'rsatish;

3.6.3. agar "Klaster"ning xo'jalik faoliyati O'zbekiston Respublikasining qonunchiligiga va ushbu Bitim shartlariga zid kelmasa, uning faoliyatiga aralashmaslik;

3.6.4. yerlarning melioratsiya holatini yaxshilash maqsadida xo'jaliklararo irrigatsiya va melioratsiya inshootlarini kapital ta'mirlash va tiklash ishlarini amalga oshirishda ko'maklashish;

3.6.5. "Klaster" mazkur bitimning 2.1 va 2.2-bandlari talabi bo'yicha tashkil etilgan taqdirda u bilan uch ish kunida yer ijarasi shartnomasini tuzish;

3.6.6. "Klaster"ning ishlab chiqarish obyektlarini muhandislik-kommunikatsiya tarmoqlariga ulanishiga ko'maklashish;

3.6.7. "Klaster"ga imtiyozli va tijorat kreditlari, shuningdek, subsidiya va kompensatsiyalar berilishiga ko'maklashish;

3.6.8. "Klaster"ning paxta xom ashyosi yetishtiruvchilar bilan bog'liq munosabatlarini barqarorlashtirishga ko'maklashish;

Hokimlikning shartnoma namunasida ko'rsatilganidan boshqa majburiyatlari

### 3.7. "Klaster"ning huquqlari:

3.7.1. "Klaster" o'z faoliyatini yuritishda ishlab chiqaradigan mahsulotlarini, tijorat banklaridan oladigan kreditlarni, o'zining tasarrufidagi ko'chmas mulk obyektlarini, texnika vositalari va ishlab chiqarish texnologiyalari asbob va uskunalarini sug'urtalashda mustaqil ravishda xohlagan sug'urta tashkiloti xizmatlaridan foydalanib amalga oshirish;

3.7.2. zarurat bo'lganda, agrotexnologik xaritaga o'zgartirishlar kiritish;

3.7.3. g'o'za navlari urug'lik chigitlarini mustaqil ravishda ishlab chiqarish;

3.7.4. suv resurslarini o'z vaqtida yetkazib berishni mutasaddi tashkilotlardan talab qilish;

3.7.5. yetishtirilgan paxta xom ashyosidan ishlab chiqarilgan mahsulotlarni erkin tasarruf etish;

3.7.6. ishlab chiqarilgan paxta tolasining o'z ishlab chiqarish quvvatlari ehtiyojidan ortiq qismini qonunchilik hujjatlarida belgilangan tartibda sotish;

3.7.8. paxta xom ashyosidan olinadigan chigit va boshqa mahsulotlarni mustaqil ravishda qayta ishlash yoki ularni, shu jumladan qayta ishlangan mahsulotlarni qonunchilik hujjatlarida belgilangan tartibda sotish.

3.7.9. "Klaster" mazkur bitim "qishloq xo'jaligi yer uchastkalarini ijaraga olgan holda paxta xom ashyosini yetishtirish" yoki "qishloq xo'jaligi yer uchastkalarini ijaraga olgan holda paxta xom ashyosini yetishtirish hamda paxta xom ashyosi yetishtiruvchilardan shartnoma asosida paxta xom ashyosini sotib olish" shakllarda tashkil etilgan taqdirda uch ish kunida tegishli hokimlik bilan yer ijarasi shartnomasini tuzish;

3.7.10. g'o'za navlarini mustaqil joylashtirish;

3.7.11. ajratilgan yer uchastkalarida almashlab ekishni joriy etgan holda, ushbu yerlarning konturlarini tuzish;

3.7.12. tasdiqlangan agrotexnologik xaritada chora-tadbirlarni amalga oshirish uchun imtiyozli moliyaviy resurslardan foydalanish;

3.7.13. mineral o'g'itlar va yoqilg'i-moylash materiallarini import qilish;

3.7.14. qishloq xo'jaligida ishlab chiqarishni tashkil etishning bozor tamoyillariga asoslangan klaster-fermer, klaster-dehqon xo'jaligi, klaster-oilabay pudrat va qishloq xo'jaligida ish yuritishning zamonaviy usullarini joriy etish;

3.7.15. o'ziga birlashtirilgan yer uchastkalarini shartnomaga asosan yuridik

va jismoniy shaxslarga bir yilgacha bo'lgan muddatga ikkilamchi ijara asosida berish.

Klasterning shartnoma namunasida ko'rsatilganidan boshqa huquqlari

### 3.8. "Klaster"ning majburiyatlari:

3.8.1. biznes-reja va bitim parametrlariga rioya qilish hamda bir yilda kamida bir marta hisobotlarni “Vazirlik”ka, “Uyushma”ga hamda “Hokimlik”ka taqdim etish;

3.8.2. ajratilgan imtiyozli moliyaviy resurslardan tasdiqlangan agroteknologik xaritaga muvofiq maqsadli foydalanish;

3.8.3. paxta xom ashyosi yetishtirishdan boshlab uni tayyor mahsulot sifatida sotishgacha bo‘lgan ishlab chiqarishning uzluksiz zanjirini, shu jumladan kooperatsiya asosida tashkil etish hamda ishlab chiqarilgan mahsulotlarni ichki va tashqi bozorlarda sotish;

3.8.4. raqamli va axborot-kommunikatsiya texnologiyalarini joriy etish;

3.8.5. “Uyushma” bilan “Klaster” o‘rtasida tuzilgan a’zolik shartnomalari doirasida olingan majburiyatni bajarish hamda a’zolik badallarini belgilangan muddatlarda to‘lab borish;

3.8.6. mazkur bitimning 4.1 va 4.2-bandlarida ko‘rsatilgan “Klaster”ning yillar kesimida investitsiyalar kiritish va ish o‘rinlarini yaratish hamda ularni amalga oshirish muddatlariga rioya qilish.

3.8.7. paxta yetishtirishda mexanizatsiya darajasini oshirib borish hamda suv tejaydigan zamonaviy sug‘orish texnologiyalarini joriy etish;

3.8.8. yerlarning irrigatsiya va melioratsiya holatini yaxshilash, tuproq tarkibini laboratoriyadan o‘tkazish;

3.8.9. yerlarning hosildorligini oshirish, ball bonitetini doimiy nazorat qilib borish.

Klasterning shartnoma namunasida ko‘rsatilganidan boshqa majburiyatlari

#### **IV. Investitsiyalar kiritish va ish o‘rinlarini yaratish muddatlari**

4.1. “Klaster”ning yillar kesimida investitsiyalar kiritish va ish o‘rinlarini yaratish hamda ularni amalga oshirish muddatlari. Xususan:

2022-yilda Klasterning 2022 yilda amalga oshiradigan loyihalari soni ta loyiha Klasterning 2022 yilda kiritadigan investitsiya miqdori mln. AQSH doll. Klasterning 2022 yilda yaratadigan ish o‘rni soni nafar ish o‘rni;

2023-yilda Klasterning 2023 yilda amalga oshiradigan loyihalari soni ta loyiha Klasterning 2023 yilda kiritadigan investitsiya miqdori mln. AQSH doll. Klasterning 2023 yilda amalga yaratadigan ish o‘rni soninafar ish o‘rni;

2024-yilda Klasterning 2024 yilda amalga oshiradigan loyihalari soni ta loyiha Klasterning 2024 yilda kiritadigan investitsiya miqdori mln. AQSH doll. Klasterning 2024 yilda yaratadigan ish o‘rni soni nafar ish o‘rni;

2025-yilda Klasterning 2025 yilda amalga oshiradigan loyihalari soni ta loyiha Klasterning 2025 yilda kiritadigan investitsiya miqdori mln. AQSH doll. Klasterning 2025 yilda yaratadigan ish o‘rni soni nafar ish o‘rni;

2026-yilda Klasterning 2026 yilda amalga oshiradigan loyihalari soni ta loyiha Klasterning 2026 yilda kiritadigan investitsiya soni mln. AQSH doll. Klasterning 2026 yilda yaratadigan ish o‘rni soni nafar ish o‘rni yaratiladi.

#### **V. “Klaster” faoliyati moliyaviy auditini o‘tkazish**

5.1. “Klaster” auditorlik tashkiloti bilan tuzilgan shartnomaga asosan moliyaviy yil yakunida “Klaster” moliya-xo‘jalik faoliyatining tekshirilishini amalga oshiradi. Bunda, yillik paxta xom ashyosi hajmi 30 ming tonnadan yuqori bo‘lgan paxta-to‘qimachilik klasterlarida xalqaro auditorlik tashkilotlari jalb qiladi.

#### **VI. Bitimning bajarilishi va bekor qilinishi**

6.1. Taraflar mazkur bitimda nazarda tutilgan majburiyatlarni o‘z vaqtida bajarilishi shart.

6.2. Quyidagilar bitimni bekor qilishga (to‘liq yoki muayyan hududga nisbatan) asos bo‘ladi:

a) “Klaster” faoliyatini amalga oshirish uchun ajratilgan yer uchastkasiga bo‘lgan huquqlar O‘zbekiston Respublikasi Yer kodeksida belgilangan tartibda bekor qilinganda;

b) bitim tarafi bo‘lgan tadbirkorlik subyektlari faoliyati qonunchilik hujjatlariga muvofiq tugatilishi;

v) bitim tarafi bo‘lgan tadbirkorlik subyektlarining bitimni bekor qilish bo‘yicha Vazirlikka, Uyushmaga hamda tegishligiga ko‘ra Qoraqalpog‘iston Respublikasi Vazirlar Kengashi va viloyatlar hokimliklariga murojaatlari;

g) “Klaster” tomonidan bitimda nazarda tutilgan majburiyatlar belgilangan muddatda bajarilmaganda (fors-major holatlar va (yoki) o‘ziga bog‘liq bo‘lmagan sabablarga ko‘ra vujudga keladigan holatlar bundan mustasno);

d) paxta xom ashyosi yetishtiruvchilarning uchdan ikki qismi paxta-to‘qimachilik klasteri tomonidan shartnoma munosabatlarini uch yil davomida bajarilmay kelganligini asoslovchi yozma murojaatlari bo‘lganda;

ye) bitimni mazkur bandda va bitimning o'zida ko'rsatilgan boshqa asoslarga ko'ra bekor qilishga yo'l qo'yilmaydi;

yo) mazkur bandning ikkinchi — to'rtinchi xatboshilarida ko'rsatilgan hollarda bitimni bekor qilish O'zbekiston Respublikasi Yer kodeksi va Fuqarolik kodeksi hamda boshqa qonunchilik hujjatlarida belgilangan tartibda amalga oshiriladi;

j) mazkur bandning "g" va "d" kichik xatboshilarida ko'rsatilgan hollarda bitimni bekor qilish Vazirlik, Uyushma hamda tegishligiga ko'ra Qoraqalpog'iston Respublikasi Vazirlar Kengashi, viloyatlar hokimliklari yoki boshqa manfaatdor shaxslarning murojaatlariga asosan sud tomonidan amalga oshiriladi.

6.3. Taraflar mazkur bitimda belgilangan majburiyatlarni bajarishdan bir tomonlama bosh tortishga, o'zgartirishga yoki qo'shimchalar kiritishga yo'l qo'yilmaydi, qonun hujjatlarida nazarda tutilgan holatlar bundan mustasno.

6.4. Ushbu bitimning 2.1 va 2.2-bandlari talablari asosida tashkil etilgan "Klaster"ning yer uchastkasiga bo'lgan huquqi Yer kodeksida belgilangan tartibda bekor qilinadi.

6.5. "Klaster" bilan tuzilgan bitim bekor qilingan taqdirda, "Vazirlik" tomonidan ularning klasterlik faoliyatini tugatish yuzasidan bir oy muddatda tegishli hujjat loyihasi belgilangan tartibda Vazirlar Mahkamasiga kiritiladi.

Faoliyati tugatilayotgan "Klaster"ga tugatilayotgan yildagi mavsum bo'yicha paxta hosilini to'liq yig'ib (sotib) olishga ruxsat beriladi.

## **VII. Bitimning amal qilishi**

7.1. Mazkur bitim 30 yil (chet el investitsiyalari ishtirokidagi korxona yoki chet el yuridik shaxsi bo'lgan taqdirda 25 yil) amal qiladi va "Taraflar" imzolagan paytdan boshlab kuchga kiradi.

7.2. Bunda faoliyat yuritayotgan "Klaster" bitimning amal qilish muddati tugaganidan keyin bitimni yangilashda ushbu paxta-to'qimachilik klasteri boshqa teng sharoitlarda ustunlik huquqiga ega bo'ladi.

## **VIII. "Taraflar"ning javobgarligi**

8.1. Mazkur Bitim bo'yicha "Taraflar" zimmasiga yuklatilgan majburiyatlarni bajarmagan yoki lozim darajada bajarmagan taqdirda amaldagi qonunchilik hujjatlarida belgilangan tartibda javobgar bo'ladilar.

8.2. "Taraflar" ushbu Bitim bo'yicha majburiyatlar bajarilmaganligi yoki lozim darajada bajarilmaganligi tufayli "Taraflar"ning biriga yetkazilgan zararni qonunchilikka muvofiq qoplash majburiyatini oladi. Davlat organi mansabdor shaxslarining noqonuniy harakatlari (harakatsizligi) natijasida "Klasterga" yetkazilgan zararni qoplash sud qarori bo'yicha amalga oshiriladi.

8.3. "Klaster" ushbu Bitimning 4.1-bandida nazarda tutilgan moliyalashtirish ta'minlanmasligi yoki o'z vaqtida ta'minlanmasligi holatlarida har bir kechiktirilgan kun uchun bajarilmagan majburiyatlar summasining 0,1 foizi miqdorida, biroq bajarilmagan majburiyatlar summasining 50% idan oshmagan miqdorda "Hokimlik"ka penya to'laydi.

8.4. "Klaster" ushbu Bitimning 4.2-bandida nazarda tutilgan yangi ish o'rinlarini yaratish majburiyatlarini bajarmaganda, "Klaster" "Hokimlik"ka har oyda ushbu Bitimning 4.2-bandida belgilangan me'yordan kam bo'lgan har bir ishchi uchun ishchilarning o'rtacha oylik ish haqi miqdorida jarima to'laydi.

8.5. Penya va jarimalarni to'lash "Taraflar"ni ushbu Bitim bo'yicha qabul qilingan majburiyatlarni bajarishdan ozod qilmaydi.

## **IX. Korrupsiyaga qarshi qo'shimcha shartlar**

9.1. Taraflar bitim tuzishda, bitimning amal qilish muddatida va ushbu muddat tugaganidan so'ng, bitim bilan bog'liq korrupsiyaviy harakatlarni sodir qilmaslikka kelishib oladilar.

9.2. Taraflar bitimdagi korrupsiyaga qarshi qo'shimcha shartlarda belgilangan korrupsiyaning oldini olish choralari tan oladi va ularga rioya etilishi bo'yicha hamkorlikni ta'minlaydilar.

9.3. Har bir taraf bitim tuzilgan paytida bevosita o'zi yoki uning ijroiya organlari, mansabdor shaxslari va xodimlari tomonidan bitim bilan bog'liq holda qonunga xilof ravishda pul, moddiy qimmatliklar (otkat) berilmaganligini, taklif etilmaganligini, ularni berishga va'da qilinmaganligini, shuningdek moddiy yoki har qanday turdagi imtiyoz, ustunliklar olinmaganligini (kelajakda bu turdagi harakatlarni amalga oshirishi yoki qilishi mumkinligi haqida taassurot qoldirilmaganligini) kafolatlaydi.

Taraflar, ular tomonidan bitim doirasida jalb qilingan shaxslarning ushbu harakatlarni sodir etmasligi yuzasidan choralar ko'radi.

9.4. Agar bir tarafga boshqa tarafning korrupsiyaga qarshi qo'shimcha shartlarda belgilangan majburiyatlarni buzilishiga yo'l qo'ygani ma'lum bo'lib qolsa, ikkinchi tarafni bu haqda zudlik bilan xabardor qilishi va ushbu

tarafdan oqilona muddat ichida tegishli choralar ko‘rilishini va amalga oshirilgan ishlar yuzasidan unga xabardor qilishini talab qilishi shart.

Tarafning talabi bo‘yicha ikkinchi taraf tomonidan qoidabuzarliklarni bartaraf qilish bo‘yicha oqilona muddat ichida tegishli choralar ko‘rilmaganda, ushbu taraf bitimni bir taraflama to‘xtatib turishga, bekor qilishga hamda zararni to‘liq qoplab berishni talab qilishga haqli.

## **X. Fors-major**

10.1. “Taraflar” ushbu Bitim bo‘yicha majburiyatlarning qisman yoki to‘liq bajarilmaganligi uchun javobgarlikdan ozod qilinadilar, agar u oldini olib bo‘lmaydigan kuch, ya‘ni favqulodda vaziyatlar va ushbu sharoitlarda muqarrar bo‘lgan holatlar oqibatida yuzaga kelgan bo‘lsa: tashqi obyektiv omillar (harbiy harakatlar, epidemiyalar, ish tashlashlar, shartnomaga muvofiq Tomonlarga yuklatilgan majburiyatlarni bajarishga to‘sqinlik qiluvchi sud jarayonlarining mavjudligi, oqilona nazorat qilinmaydigan boshqa hodisalar) ta‘siri natijasida tabiiy hodisalar (zilzilalar, suv toshqinlari va hokazolar), agar ushbu holatlar ushbu Bitimning bajarilishiga bevosita ta‘sir qilgan bo‘lsa, ushbu holatlarning amal qilish muddati mobaynida.

10.2. Favqulodda vaziyatlar yuzaga kelgan paytdan boshlab ushbu Bitim bo‘yicha majburiyatlarni bajarish muddatlari bunday favqulodda vaziyatlarning amal qilish muddati mobaynida orqaga suriladi.

10.3. Agar vaziyatlar bir yildan ortiq vaqt davom etadigan bo‘lsa, “Taraflar” o‘zaro hisob-kitoblarni amalga oshirish va boshqa “Taraf”ga yetkazilgan zararni kamaytirish bo‘yicha barcha mumkin bo‘lgan choralarni qo‘llab, jarimalar va (yoki) penyalarni to‘lamasdan ushbu Bitimni davom ettirishdan voz kechishga haqli.

10.4. “Taraflar” favqulodda vaziyatlarning oqibatlarini bartaraf etish uchun har qanday sa‘y-harakatlarni amalga oshirishlari kerak.

## **XI. Nizolarni hal etish tartibi**

11.1. “Taraflar” o‘zaro muzokaralar va maslahatlashuvlar orqali ushbu bitimni bajarish bilan bog‘liq yuzaga kelgan nizolarni hal qilish uchun barcha choralarni ko‘radi, shu jumladan maqbul qarorga erishishi uchun taraflarning ixtiyoriy roziligi asosida mediator ko‘magida hal qilinishi lozim.

Basharti, “Taraflar” o‘zaro kelishuvga erishmagan taqdirda, mavjud nizoli holatlar Shartnoma yuzasidan taraflar o‘rtasida nizolar kelib chiqqan taqdirda, nizoni ko‘rib chiqadigan sud nomi sudiga murojaat qilish orqali hal etiladi.

## **XII. Yakuniy qoidalar**

12.1. Mazkur bitimda har qanday o‘zgartirish va qo‘shimchalar ular yozma shaklda amalga oshirilishi va “Taraflar”ning vakolatli vakillari tomonidan imzolanishi sharti bilan haqiqiy hisoblanadi.

12.2. Bitim “Taraflar”ning har biri uchun bir nusxadan to‘rt nusxada tuzilib, ularning barchasi teng yuridik kuchga ega hisoblanadi.

## **XIII. Taraflarning rekvizitlari**

### **Vazirlik:**

**Manzil:** Vazirlikning manzili

**Bank** Vazirlikning hisob raqami joylashgan bank nomi

**H/R:** Vazirlikning hisob raqami

**STIR:** Vazirlikning STIR raqami

**MFO raqami** Vazirlikning Mfo raqami

**Telefon:** Vazirlik bilan aloqa telefon raqami

### **Uyushma:**

**Manzil:** Klasterlar uyushmasining yuridik manzili

**Bank** Klasterlar uyushmasining hisob raqami joylashgan bank nomi

**H/R:** Klasterlar uyushmasining hisob raqami

**STIR:** Klasterlar uyushmasining STIR raqami

**MFO raqami** Klasterlar uyushmasining MFO raqami

**Telefon:** Klasterlar uyushmasining telefon raqami

\_\_\_\_\_  
(imzo, muhr)

### **Hokimlik:**

**Manzil:** Hokimlikning yuridik manzili

**Bank** Hokimlikning hisob raqami joylashgan bank nomi

**H/R:** Hokimlikning hisob raqami

**STIR:** Hokimlikning STIR raqami

**MFO raqami** Hokimlikning MFO raqami

\_\_\_\_\_  
(imzo, muhr)

### **Klaster:**

**Manzil:** Klasterning yuridik manzili

**Bank** Klasterning hisob raqami joylashgan bank nomi

**H/R:** Klasterning hisob raqami

**STIR:** Klasterning STIR raqami

**MFO raqami** Klasterning MFO raqami

**Telefon:** Hokimlikning telefon raqami

---

(imzo, muhr)

**Telefon:** Klasterning telefon raqami

---

(imzo, muhr)